


# 東國通鑑

四十五



漢書門	二 三 三 八	函	架	冊
類	號	五 七	冊	架

內閣文庫	漢書	二 三 三 八	函	架
冊	號	五 七	冊	架
冊	號	一 〇	冊	架

內閣文庫	
番號	漢 2338
冊數	57 (46)
函號	285 29







東國通鑑卷之四十五

高麗紀

忠惠王三

五年

元至正四年

春正月宰相會百官及國老于

旻太寺欲署名呈省書國老多不至事竟未

就○王薨于元岳陽縣王之行傳車疾驅銀

楚萬狀未至揭陽道薨或云遇鴆或云食橘

而殂國人聞之莫有悲之者小民至有欣躍

以為復見更生之日其民不見德如此初官

中及道路歌曰阿也麻古之那從今去何時

淺草文庫

來至是人解之曰岳陽亡故之難今日去何時還下

史臣曰忠惠王以英銳之才用之於不善  
昵比惡小荒滯縱恣內則見責於父王上  
則得罪於天子身為羈囚死於道路宜矣  
雖有老臣李兆年言出之剗切其如不我  
聽何哉

二月元命元子昕嗣位昕在元年甫八歲高  
龍普抱以見帝帝問曰汝學父乎抑學母乎  
對曰願學母帝嘆其天性好善惡惡遂令龍

高麗忠惠王

位王下教戒國內臣僚一革弊政慰恤百姓  
○閏月王命政丞蔡河中司空姜好禮政堂  
文學鄭乙輔同知密直金上琦薛玄固密直  
提學張沈參議國政以咸陽君朴忠佐陽川  
君許伯判田民都監事竄韓范張松沈奴介  
田豆乞不花等十五人于島鄭天起蘇敬夫  
趙成柱等放歸田里皆先王嬖幸也○監察  
司悉收先王時惡小輩告身○夏四月以祺  
為江陵府院太君玠為益興府院君蔡河中  
為右政丞韓宗愈為左政丞李齊賢判三司

事金倫權謙朴忠佐爲贊成事羅益禧孫守  
鄉爲參理金承嗣金上琦爲三司右左使  
王欲觀李杜詩宗愈曰抽黃對白無補於政  
王命進之宗愈托以無典守者竟不進

臣等按詩之道大矣孔子編詩取三頌二  
雅十五國風雖鄭衛之淫檜曹之微皆存  
而不削蓋詩有邪正之異正變之殊使讀  
者懲創感發得其無邪之旨漢魏以降百  
家並興皆以織組雕鏤之文駢麗浮薄之  
辭各自名家能得三百篇之遺旨者蓋寡

高麗忠惠王

然其間豈無一二豪傑之士因事撰述有  
陳戒規箴之風歌詠頌禱之詞以續風雅  
者乎不可以後世之作一一盡廢之也世  
之尚論者曰人君不讀非聖之書當究心  
精一執中之學不可讀百家諸子以累正  
學揚雄亦言詩賦小技比之雕蟲篆刻壯  
夫恥之况於人主乎歷觀後世人主有或  
一向好著嗜又藻悅淫誇溺意詞章如陳  
後主隋煬帝怠於國政日事嘯詠探奇摘  
勝與臣下爭能酣歌宴樂卒名覆亡之禍

詩之能誤人國家亦如此或者之論其有  
見於此乎忠穆幼冲嗣服天之命哲命吉  
凶尚未敢知况時方尙學學無定方先詞  
章後聖學此一念乃聖往之機治忽所繫  
可畏之甚也宗愈爲首相輔幼主開諭善  
道納之無過之地乃其職也其不進李杜  
詩者夫豈無深意哉宗愈歷事四朝當烈  
宣肅惠多事之時事不辭難精忠大節有  
大過人者今輔幼主亦得大臣體其賢矣  
哉

高麗忠惠王

乙酉王至自元翼日元使桑哥頒詔曰昔我  
祖宗奄有萬方外薄四海于時高麗慕義効  
順用建東國傳之子孫世守藩輔不謂近者  
高麗國王寶塔實里肆爲無道荼毒境内民  
不堪命來訴京師今正厥罰遷之嶺表然念  
自其先世事我列聖罔有二心一朝後嗣不  
克繼承遂失世爵在朕奚忍又念海隅蒼生  
皆朕赤子久罹塗炭良切子懷乃命其子八  
禿麻朶兒只仍襲征東行省左丞相高麗國  
王布朕德澤輯寧吾民其實塔實里所行虐

政並從釐革人民逃避山林亟令有司剋日  
招撫勸農興學凡合整治事宜悉遵成制俾  
爾有衆各保生業是日王宴桑哥用女樂百  
官侍座皆簪花名曰君臣慶會宴

史臣元松壽曰三年之喪自天子達於庶  
人先王岳陽之喪未返於國而至用女樂  
使百官插花如禮何

上洛君金永暉詣闕庭辛裔盧英瑞穿紫靴  
戴綬帽踞胡床于門內下視不為禮永暉招  
之前曰僕聞主上襲位東還復止三韓蹈舞

高麗忠惠王

不已來謂殿下公等何不革前代惡小奢靡  
冠服此宜移風易俗之道牟英瑞等慚而退  
○五月賜宦者高龍普功臣號○元遣李麻  
秦瑾等來冊王為開府儀同三司征東行中  
書省左丞相上柱國高麗國王○金海君李  
齊賢上書都堂曰今我國主以古者元子入  
學之年承天子明命紹祖宗重業而當前主  
顛覆之後可不小心翼翼以敬以慎敬慎之  
實莫如修德修德之要莫如習學今祭酒田  
淑蒙已名為師更擇賢儒二人與淑蒙講孝

經語孟大學中庸以習格物致知誠意正心  
之道而選衣冠子弟正直謹厚好學愛禮者  
十輩爲侍學左右輔導四書既熟六經以次  
講明驕奢淫泆聲色狗馬不使接于耳目習  
與性成德造固覺此當務之莫急者也君臣  
義同一體元首股肱不親附可乎今宰相非  
宴會不相接非特咎不得進此何理乎當請  
日坐便殿每與宰相論議政事或可分日進  
對雖無事不廢此禮不然則大臣日踈宦寺  
日親生民休戚宗社安危恐莫得而上聞也

向麗忠惠王

政房之名起于權臣之世非古制也當革政  
房歸之典理軍簿置考功司標其功過論其  
才否每年六月十二月受都自考政案用以  
黜陟永爲恒規則可以絕請謁之徒杜僥倖  
之門今若因循不復古制深恐將來梁將祖  
倫朴仁壽高謙之輩蜂起而黑冊之謗不可  
遏也鷹坊內乘毒民尤甚者前已下令革罷  
後復遷延中外失望至使龍普馳出見責可  
不愧于心乎德寧寶興等庫凡非古制者一  
切釐革庶永不負聖旨勤恤之意刺史守令



得其人則民受其福不得其人則民遭其害  
官高而降為者偃肆不遵法年邁而求得者  
昏懦不在事或以請謁起壘畝無金魚者又  
不足言也請如古制朝士之未入參者必經  
監務縣令至干四品例為牧守而監察司按  
廉使必行褒貶為之賞罰所謂官高者年邁  
者用請謁起壘畝者如不得已寧授京官勿  
與親民之任行之二十年流亡不復貢賦不  
足未之有也金銀錦繡不產我國前輩公卿  
被服只用素段若緇布器皿只用鋤銅瓷瓦

高麗忠惠王

德陵作一衣問直則重輟而不為毅陵嘗責  
前主廢金之衣插羽之笠非吾祖舊法有以  
見國家四百餘年能保社稷徒以儉德也近  
來風俗窮極奢侈民生困而國用匱職此而  
已請宰相今後不以錦繡為服金主為器又  
不使袷服乘馬者擁其後各務儉約諷上而  
化下風俗可以歸厚也前者追徵暴斂之布  
便合歸於納者然恐官吏夤緣為茲細民未  
蒙實惠故宜分付諸司以充來歲雜貢令其  
得免先納借債之弊行省既有文移當早施

行<sub>二</sub>食邑既立之後百僚俸祿不備夫以<sub>二</sub>國之主取<sub>三</sub>群臣養廉之資以實私藏豈不貽<sub>三</sub>譏後世請聞諸兩官罷食邑還屬廣興倉充<sub>三</sub>其俸祿京畿土田除<sub>三</sub>祖業口分餘皆折給為<sub>三</sub>祿科田行之近<sub>三</sub>五十年邇者權豪之門奪占<sub>三</sub>略盡中間屢議釐革輒以危言聳欺上聽卒<sub>三</sub>莫能行此大臣不固執之所致也果能釐革<sub>三</sub>悅者甚衆不悅者權豪數十輩而已何憚而<sub>三</sub>不果為<sub>三</sub>我州郡遠年貢賦之逋欠者有司百<sub>三</sub>討追徵十分莫得其<sub>三</sub>一祇是歛怨而已<sub>三</sub>胡王下

司羅忠惠三

令自<sub>二</sub>至正三年已前逋欠貢賦一切蠲免前<sub>三</sub>此數年窮民有<sub>三</sub>因暴斂典賣男女請令<sub>三</sub>諸道<sub>三</sub>存撫按廉使出<sub>三</sub>榜許其來京自告因<sub>三</sub>以官財<sub>三</sub>量給贖還其買者亦令<sub>三</sub>自首若不<sub>三</sub>自首不與<sub>三</sub>其直勒還<sub>三</sub>父母甚者治罪○判典校寺事李<sub>三</sub>穀在<sub>三</sub>元致書宰相曰<sub>三</sub>惟吾<sub>三</sub>二韓國之不國亦<sub>三</sub>已久矣風俗敗毀刑政紊亂民不聊生如在<sub>三</sub>塗炭幸<sub>三</sub>今國主受命之國民之望之<sub>三</sub>若大旱<sub>三</sub>之望<sub>三</sub>甘澍然國主以<sub>三</sub>春秋之富謙恭冲默<sub>三</sub>國政聽於<sub>三</sub>諸公則之<sub>三</sub>其社稷安危<sub>三</sub>今民利病

士君子之進退皆出於諸公夫進君子則社稷安退君子則人民病此古今之常理也然則用人又為政本也蓋用人則易知人則難不問邪正不論高下惟貨是視惟勢是依附我者雖姦諂而進之異己者雖廉謹而退之則其用人不既易乎用人易故政日亂政日亂故國家隨以危亡此不待遠求諸古實目前之明鑑也古之人知其然於進退人之際而必察其所行所從來惟恐贖于貨而奪于勢也然猶朱紫相奪玉石相混其知人不

高麗忠惠王

既難牟即今本國之俗以有財為有能有勢為有知至以朝衣儒冠為倡優雜劇之戲直言正論為閭里狂妄之談宣乎國之不國也教之所以離親戚去鄉國久客於輦轂之下者正為此耳比聞諸公所以輔政更化者與前日甚不相遠名雖尚老而少者實主其柄名雖尚廉而貪者實主其權既任惡小而大者不悛其惡既改舊臣而新者反附其舊知人不難用人甚易似非國主委任之意朝庭聞之得無不可乎或曰不必寓書諸公徒見

其怒而無所益也。敕應之曰：杜稷苟安，人民苟利，將具本末言之。朝庭達之，天子豈以諸公之怒而便舍默耶？是用敢貢狂瞽之言，惟諸公察焉。○罷寶興德寧庫內乘鷹坊其所隸土由奴婢各還本處。○遣密直金思義如元謝册命。○元流崔和尚、林信朴、良衍、閔渙、金添壽、林以道、承信、南官、信王、碩等于諸路。○六月發新官所貯三食邑布四千餘匹歸廣興倉。○慶華公主薨。○癸酉大行王之喪至自岳陽。○置書筵官分為四番更自侍讀。

高麗忠惠王

密直提學李仁復貌嚴辭氣簡重，每進講王謂左右曰：吾見李公不覺竦然，安震言於王曰：臣等備資兩府，不可竟日侍講，宜擇端士以備顧問。春秋修撰元松壽藝文檢閱許湜，其人也。判三司李齊賢等又進言：王之有瑕者，必待良士雕琢，然後成其寶器。人君豈皆無失，必待良臣啓決，然後能成其聖德。因曰：臣等不參侍講之時，宜令松壽常在左右講劄道義，王從之。○秋八月改定科舉法，初場試六經，義四書，疑中場古賦，終場策問。○庚

申葬永陵○王御書遣講罷起居郎朴允文  
後出官者李伯告王曰請令允文速署奴家  
兄告身王曰若是則何異前代崔和尚之所  
為乎汝宜以私請之○王命毀新官作崇文  
館○贊成事朴忠佐講貞觀政要因言燕昭  
王築黃金臺迎郭隗之事賜鈔五十錠○九  
月僉議參理羅益禧卒益禧性耿介慕節義  
恥與人爭其母分財別遣減獲四十口辭曰  
以一男居五女間烏忍苟得其贏以累鳩鳩  
之仁母義而許之忠宣王好立新法益禧多

高麗忠惠王

所封駁以錦城君閑居每念生民休戚人材  
用捨負手蹙鼻獨行園庭若有隱憂至是復  
入政府謂李齊賢曰吾君幼委任宰相彼負  
且乘者不誠覆轍吾其引避母俱為十手所  
指未幾卒謚良節○以公主不豫赦二罪以  
下○冬十月以王煦為右政永金倫為左政  
丞○十一月遣尹安之安輔郭珣應舉于元  
輔中削科○十二月遣德城府院君奇轍如  
元賀正○瀋主暈至百元○元遣使來錫忠  
宣忠肅王謚冊○罷政房歸之典理軍簿○

京畿祿科田為權貴所奪者悉還其主

### 忠穆王

諱昕蒙古護八思麻朶兒只忠惠王  
長子母德寧公主性聰慧在位四年

壽十二

乙酉元年元至正五年春正月甲午地震二日○復置

政房○乙卯地震○二月定安府院君許琮

卒忠烈王養琮宮中及長尚忠宣主廿壽春

翁主屏人事日以醫藥活人為事生長富貴

而無驕色守禮好施○德寧公主召諸宰相

高麗忠穆王

謂曰自今興海君裴佺勿復近侍先是佺得

幸公主有入錄佺罪惡貼匿名狀于版圖門

故公主斥之後佺猶在官中用事○夏六月

僉議評理崔文度卒文度樂觀濂洛性理之

書事親盡孝○秋七月左司議大夫鄭誦卒

于元誦好學善屬文忠惠王朝為左司議多

所封駁執政惡之出守蔚州雖在謫中吟嘯

自若慨然有避官上國之志嘗曰大丈夫安

能鬱鬱於一方耶遂如元謁別哥不花丞相

一見竒之將薦之天子會病卒○潘主暲卒

葬以公主禮○冬十一月罷王煦以金永煦  
為右政丞印承且為左政丞李穀為密直使  
煦罷政房復科由故為貪婪所惡而罷時人  
缺望

戊丙

二年元至正夏五月祔太行王于太廟○冬  
十月命修國史教曰太祖開國四百二十有  
九年于茲其間典章文物嘉言善行秘而不  
傳何以示後故我忠宣主命閱漬修編年綱  
目尚多闕漏宜加纂述頒布中外乃命府院  
君李齊賢贊成事安軸韓山君李穀安山君

高麗忠穆王

安震提學李仁復撰進○初陝州吏李績避  
役托鷲城君辛裔求官裔棄入官授之失官  
者訴監察司囚績裔深銜之罵辱監察大夫  
李公遂令一中即將執掌令宋球以來即將  
不得執裔怒使其弟貴歐之蓋倚其妹塔高  
龍普之勢也○永嘉府院君權溥卒溥初名  
永性忠孝惠族姻睦僚友嗜讀書老不輟嘗  
與子準稟集歷代孝字凡六十四人使塔李  
齊賢著贊名曰孝行錄行于世六子三塔皆  
封君世號九封君然無圭角久典銓衡鬻爵

營產人譏之○十一月王觀八關樂于儀鳳樓時右副伏言金用謙因其姪宦者龍藏驟至近侍又有龍藏姪郭允正亦藉其勢拜大卿用謙性暴戾允正膽大敢言少屈於人用謙妬寵喻龍藏罷允正又奪龍藏所給財物允正訴監察司劾之是日王命用謙入侍監察大夫李公遂言用謙被彈公然齒於朝列非古制也請出之諸伏言請姑留之王不聽曰寧少一伏言不欲拒諫○元命前政丞王煦入朝

高麗忠穆王

亥丁

三年

元至正  
七年

春正月元遣人取政丞盧頤二

女以歸○二月前政丞王煦左政丞金永晫選自元告王曰帝問先王失德臣等奏先王初不羞是但小人導之耳其徒尚在不去亦誤今王矣帝然之勅臣等曰汝其往治之大妃聞之泣下賜酒慰謝永晫傳帝密旨曰可復以王煦為政丞時右政丞盧頤在側慚赧而退稱疾不出○置整治都監以王煦金永晫及安軸金光輒為判事分遣屬官量諸道田時崔宰為判官嘆曰前主之失德非王自

東鑑四十五



為乃左右逢之耳逢之於前揚之於後吾實  
恥之稱疾不出○元遣使賜王煦金永晫衣  
酒及鈇敦勸整治○三月整治都監以奇皇  
后族弟奇三萬倚勢奪人田恣行不法杖之  
下巡軍獄踰兩旬死○初利川縣吏以公田  
賂政丞蔡河中理問君繼宗至是按廉金科  
截吏耳將徇于道因牒報都監錄事安吉祥  
懷繼宗舊恩不以告王煦金永晫怒批其頰  
鳴鼓黜之○夏四月整治都監杖奇皇后族  
奇柱下巡軍枉嘗席勢肆虐中外苦之及置

高麗忠惠王

整治都監自知其罪逃匿楊廣道按廉金科  
捕送之○參理安子由攝事于太廟憫半之  
死不殺性糾正白元石不據禮以爭時人非  
之○行省理問所囚整治都監官佐郎徐浩  
校勘田錄生初前忠州判官崔純實告奇三  
萬之事及三萬死其妻訴行省行省自王囚  
浩祿生于獄金永晫曰殿下何囚整治官王  
曰三萬棄入田五結何至於死永晫曰二萬  
怙勢恣惡奚止棄人田五結哉名理問河有  
源對辨永晫曰我等親奉帝命先治元惡浩

稜生奚罪焉乃自繫行省獄王命出之○五月王煦金永晫呈書僉議府曰我等親奉帝命整治本國今行省理問所以竒三萬之死歸咎都監囚徐浩田稜生而理問河有源挾私枉問必欲誣服自今不能整治其轉達中書省○六月敷趙得球于耽羅初王煦之朝元也得球從焉煦與得球議整治事得球曰贊成事康允忠在幼主之側納君於邪苟欲整治宜先去之允忠聞而銜之至是煦永晫以三萬之死不克整治欲如元奉帝允忠恐

高麗忠穆王

得球從煦圖已誘王敗之○王煦金永晫如元理問所累遣人追執煦永晫以歸悉囚整治都監官問殺竒三萬之故適帝遣中書省石司都事兀理不花等賜衣酒于王及煦永晫以嘗整治煦永晫至洞仙驛遇元理不花乃還不花以帝命問整治幾何理問所聞之釋所囚官未幾徐浩諱服復囚整治官吳璟陳永緒安克仁李元具金成安于獄尋釋之○元放院使高龍普于金剛山龍普在帝側用事天下疾之御史臺奏曰龍普高麗棋場

人席寵怙勢作威作福親主丞相望風趨拜  
招納貨賂金帛山積權傾天下恐漢之曹節  
侯覽唐之仇士良楊復恭復起於今日請誅  
之以快天下之心帝宥而放之○監察司論  
參理安子由不殺牲之罪請免其官王以子  
由之有功於父主且方奉使上國原之

史臣金仲鏘曰梁武惑浮屠景報之說宗  
廟之享以麴代牲卒致臺城之餓今子由  
奉君命祭于太室擅不血薦其罪當誅王  
乃以姑息之仁不聽憲司之請其享年不

高麗忠穆王

永宜矣

秋七月有入貶匿名榜云贊成事康允忠以  
一宦者與一侍女通媒君母恣行淫亂得寵  
于內今沮整治都監專是允忠與河有源之  
謀也若誅此兩人國無患矣先是前密直印  
璫前贊成事權謙李壽山言於高龍普曰允  
忠通乎君母罪惡貫盈今允忠聞院使來自  
王曰龍普謀陷先王薨于岳陽今得罪而來  
王何必待以厚禮龍普聞而憾之謂允忠曰  
爾為內臣恣行無禮何恭自今母昵于內允

東坡志林卷五

忠懼謝病不出數日詔龍普母以請龍普對  
允忠語璫等曰今欲辨康贊成事公等毋隱  
前言璫等相視默然龍普陽詰之顧謂允忠  
曰公宜復視事會元使來王率百官迎詔于  
郊允忠遂扈從○理問所鞠整治都監官欲  
誣加枉殺三萬之罪不服皆下獄○元遣工  
部郎中阿魯刑部郎中王胡剡等來鞠哥三  
萬之事○冬十月理問所囚密城副使李孫  
慶驪興副使李蒙正西州副使趙冬暉以承  
整治都監牒撤官者及豪強田莊也○賜金

高麗忠穆王

仁瑄等三十三人及第知貢舉陽川君許伯  
同知貢舉韓山君李穀徇私多取世家不學  
子弟憲司彈之不出新及第依牒○元召還  
高龍普○元以三萬之死遣直省舍人僧家  
奴杖整治官白文寶申君平金成安河楫南  
宮敏趙臣王金達祥盧仲孚李天伯許湜李  
承閏安克仁鄭光度吳璟徐浩田祿生惟安  
軸王煦以帝命原之前密直金光轍前大護  
軍李元具以病免杖仍降璽書而復置整治  
都監令王煦判事時金永晄執已見煦與

較故帝諱之之委之治之○十一月以王煦領  
都會議司事

戊

四年

元正

春正月王乃德寧公主名彦陽

府院君金倫問請謚事對曰先王不返徒以  
親近儉士歛怨累德今其禍首猶在必先正  
其罪以明先王非辜然後可請倫遂與李齊  
賢朴忠佐等著老上疏曰竊見康允忠起自  
賤隸得幸先王茲謫荒淫既經杖斷宜畏法  
以退戢猶匿過名復貪榮而冒進百端逞欲  
一代肆凶先王所以詔獄就戮岳陽返葬允

高麗忠穆王

忠一賊實是根株閔渙九人只為枝葉積釁  
專歸於上狡謀獨免其身斯則一國之痛心  
而疾首者也臣倫等俱抱願忠之志不勝疾  
惡之心謹疏其罪以聞伏乞轉呈上國以明  
前代之事非先王之過皆允忠所為加此賊  
兩觀之誅雪先王萬世之恥蓋允忠者強奸  
金南寶之妻又奸白儒之妻累經杖斷身帶  
瘢痕鼻受征東負外仍兼會議贊成豪橫不  
法現有二妻又娶故密直趙石堅服喪妻據  
有石堅家產又至正六年太子命王脫歡金

那海整治本國弊政脫歡因言前代之事允  
忠實為禍根當先黜退可以整治允忠恐懼  
潛用譎謀給那海柳脫歡以誤整治之事又  
至正七年天字復命脫歡等整治殿下色脫  
歡等宰相耆老議所以奉行耆老以為聽  
斷田民之訟只為整治之一事必先整治選  
法中外之官各得其人令監察舉劾非違然  
後可以上副帝意允忠方為政房提調恐失  
其利且怨王脫歡前言作色拂袖而起不以  
衆論入自尋用所親安子由等不諳民事之

高麗忠惠王

人而為整治都監官陞脫歡為領都僉議實  
奪其權脫歡不能舉行一事者實允忠所沮  
也宗廟之事國之大事子由攝事太廟擅以  
犧牲與願堂僧使血祀有關監察劾論其罪  
以其壻李浥為允忠門客百計營救反陞子  
由為替成事諫官末天逢李邦君安元龍不  
署子由謝貼允忠勝臚君命召邦實等勒令  
請暇尋奪其職且允忠監傳之奴安知流品  
清濁乃為政房提調擅銓選之權與奪由己  
賄賂公行門戶如命更念聖武皇帝肇基朔

方忠憲王慕義先服世相皇帝旌師南國忠  
敬王冒險親朝賴及子孫世為甥舅允忠履  
屑小人專權於國流毒於民至使先王存被  
譴詢沒稽贈謚若不舉正此賊之罪無以追  
明先主之忠請詳憤憤之詞以慰冥冥之恨  
王及太妃感悟轉呈于元授金倫改正請謚  
二表遣之倫謝曰臣桑榆之年七十又二恐  
顛隳道路以辱明命然喘息尚存敢不龜勉  
脫歡即王煦那海即金永曉○二月彥陽府  
院君金倫率倫將如元忽得風疾而十日不飲

高麗忠穆王

水漿冷左右扶起具衣冠端坐而逝倫會議  
參理賻之子嘗為辨正都監副使及監察寺  
丞發茲摘伏應變如神人不敢欺其鎮合浦  
也卒乘精鍊彌令嚴明元使來觀致敬焉喜  
觀書多識典故人有問者鄉譽無疑卒謚貞  
烈○永山君張沆致書都堂曰主上隆師向  
學樂聞善道而檢邪弄權欺天罔上使刑政  
不平害及無辜致傷和氣天降旱災餓莩載  
路烏鳶太豕之所爭食不可忍視若悉掩埋  
且賑飢乏和氣可通豐稔可致也○置賑濟

都監王減膳以充其費又菟有備倉米五百  
碩令賑濟都監施粥餓人○遣慶山府院本  
君盧頤請入朝○鷲城君辛裔母奪入奴婢  
其主乞還反歐之主訴整治都監遣吏捕其  
家人又歐之都監囚裔弟大護軍珣杖之○  
三月遣寧川府院君李凌幹如元賀節日○  
司右使金那海請改正先王之罪○夏四月  
以弟眡為慶昌府院君○京城大飢疫道饑  
相望漕運金羅道米一千四百碩賑京城及  
忠清兩海二道○六月興寧君安軸卒軸力

高麗忠穆王

學工受時忠肅王被留千元四年軸謂同志  
曰主憂臣辱主辱臣死乃上書訟王無他軸  
處心公正持家勒儉嘗曰吾平生無可稱四  
為士師凡民之屈抑為奴者必理而良之謚  
文貞○上洛府院君金永晁卒○貶監察掌  
令宋天逢為草島勾當天逢劾奉評理全允  
臧身為輔相席寵恣橫不供其職交結獲人  
潛竊御膳皆歸其家又閔祥正訴先王于帝  
以為不可君國而允臧黨於祥正欲除冢宰  
罪惡莫甚請加罷黜允臧反譖而貶之臺官



皆辭職監察等詣闕請召選天逢政丞王煦  
救之不得不視事政堂文學辛孟判密直司  
事李公遂亦論闕請之乃改為光陽監務○  
秋八月獻納元松壽郭忠秀劾贊成事鄭天  
起告身未出而卒然入政房題品人物踈棄  
正妻常在倡家王怒下松壽忠秀干行省鞠  
之罷其職宰相臺諫詣闕營救不得○冬十  
月王不豫放囚庶務決於德寧公主○十一  
月平壤君趙瑋卒忠肅王倦勤委政宰相瑋  
存太體不務細瑣發言侃侃人服其公○十

高麗忠穆王

二月丁卯王薨于金永晚第時辛裔田淑蒙  
等相繼用事雖汰去北殿羣小不數月間親  
姻故舊布列鄉相代言鄭思度依阿進用久  
在政房中外輻湊時人目裔曰辛王且母妃  
盛年居中康允忠裴佺出入得幸秉政權作  
威福王煦金永晚奉帝命欲整理舊弊卒為  
允忠等所陷識者惜之○德寧公主命德城  
府院君奇轍致丞王煦攝行征東省事○遣  
護軍申元甫如元告哀○政丞王煦等遣李  
齊賢如元上表曰國王乃於近日得疾而薨

舉國哀慟王年幼無後而本國隣於日本不  
庭之邦不可一日無王今有王祺普塔失里  
王之母弟已嘗入侍天庭年十九王眡普塔  
失里王之庶子見在本國年十一伏望陛下  
簡在帝心以從民望

忠定王

諱朕蒙古諱迷思監朶兒只忠惠王  
庶子母禧妃尹氏在位三年壽十五

元年元至正

春二月帝命忠惠王子眡入朝

慶陽府院君盧頊前判三司事孫守鄉前贊

高麗忠定王

成事李君俠閔評尹時遇崔濡等奉眡如元  
臺諫典法會議欲沮其行不得○三月丁酉  
葬明陵○尹安之登元朝制科授大寧路判  
官○夏五月戊戌元命眡嗣王位○六月王  
命鐵城君李君俠聽斷國務○秋七月政丞  
王煦自元還道卒忠宣王愛煦出入常同車  
及竄于吐蕃煦欲以身代帝聞而憐之及薨  
煦服喪奉柩東還既葬每月朔望私祭陵下  
至沒身煦剛正莊重平生不妄語稍讀書通  
大義雖下士必待之盡禮再為相以興利除

害為心及卒政承盧頊憾整治之事沮官葬  
又冷沿路諸驛林置樞正廳驛吏望樞踰泣  
迎入祭之如父母後謚正獻配享恭愍廟庭  
○流前密直金敬直于島貶前密直李承老  
為宣州勾當前代言尹澤為光陽監務初忠  
肅在燕邸澤上謁下見器重因有托孤之語  
意在江陵大君祺後忠肅寢疾復以燕邸所  
語語澤故澤於祺素歸心遂與承老以民望  
歸于祺乃獻書中書省言本國兄弟叔姪相  
繼之故幼君不堪保釐之狀王恨之及嗣位

高麗忠定王

有是命敬直亦嘗毀王故及○丙辰王至自  
元帝遣學士雙哥護行是日即位于康安殿  
○閏月甲午大風雨城中屋瓦盡飛儀鳳樓  
頽松岳龍首兩山松盡拔○以盧頊會議政  
丞○咸陽府院君朴忠佐卒忠佐嘗按廉全  
羅有壁人稱內旨冒認良民為隸忠佐執不  
許遂見諸杖流後召為監察持平又為執爨  
應教皆不就性温厚儉約雖為卿相居室衣  
服如布衣時好讀易老而不輟○遼王遣使  
享王及德寧公主○八月罷整治都監○以

盧頊為右政丞孫守卿為左政丞○立王母  
舊妃府曰慶順妃贊成事尹繼宗之女也○  
九月遣贊成事李君佺如元謝襲位○醴川  
府院君權漢巧死○初王之宴雙哥也公主  
南面王東面監察大夫李衍宗上書言其非  
禮因有譖之者下左右司責問衍宗引禮訟  
韓不屈○冬十月盧頊罷以孫守卿為右政  
丞李君佺為左政丞○江陵木君祺在元尚  
衛王女是為魯國公主○漢陽府院君韓宗  
愈致仕時權倖用事宗愈退居其鄉非有事

高顯麗忠定王

未嘗至京師

庚寅

二年元至正春二月倭寇固城竹林臣濟等

虜合浦千戶崔禪等戰破之賊死者三百餘

人倭寇之興始此○以持平崔龍生為慶尚

道按廉使尋以金有謙代之龍生疾宦寺輩

恃寵上國流毒東民勝其惡以示國人御香

使宦者朱元之帖木兒訴王及公主沮之○

夏四月倭賊百餘艘寇順天府掠南原求禮

靈光長興府漕船○五月倭賊六十六艘寇

順天府我兵追獲一艘斬十三級○六月崔

濡與其弟崔源崔有龍叛奔于元先是濡拜  
參理裴佺謂濡曰爾為六宰我所薦也濡勃  
然曰吾顧因爾力乎遂奉之濡又言於王曰  
援立之功無出臣右然由都會議纔陞參理  
尹時遇有何巧以密直拜三宰其父華係叔  
父安叔亦皆嘗為三宰豈彼傳家之職乎閔  
思平叱曰汝乃抄奴之後六宰於汝極矣何  
不知足濡怒歐思平王怒濡而不能斥時時  
遇在王側弄權人目之曰尹王佞亦猶在公  
官用事如舊干謁者不因時遇必托佞監察

高麗忠定王

司劾濡思平相闕遣所由執濡家婢以來濡  
使奴歐所由棄婢而去僉議司亦劾之濡弟  
版圖判書源怨王有不遜語王下源于巡軍  
命右政丞孫守卿鞫之源不肯就獄守卿強  
致之令跪源不服曰政丞魯不知皇帝怯薛  
固不可罵辱亦不可鞫問耶罵辱自有邦憲  
拂袂而出遂奔元○倭賊二十艘寇合浦焚  
其營又寇固城會源長興府○秋八月王以  
誕日宴群臣前贊成事尹桓提學郭珣以事  
相詰桓攘臂歐珣○九月以李凌幹為川寧

府院君金光載為三司右使時光載提調政  
房德寧公主頗多干預王不能制光載奮然  
而出公主再名竟不應○遣左獻納白彌堅  
前典客寺丞金仁瑄應舉于元初田祿生亦  
在解額嘗為整治都監官究治權豪故疾而  
沮之德寧公主如元

卯辛

三年

元至正十一年

春正月贊成事李穀卒穀韓山

吏早喪父事母孝性端嚴剛直人皆敬之穀  
與中朝文士交遊講劇所造者深為文章典  
雅高古為華士所推讓卒謚文孝○二月朔

高麗忠定王


大行王于太廟○夏六月元使丑驢道遇政  
丞孫守卿以館待之薄欲鞭之守卿走馬以  
免○秋八月倭船丁百三十艘來寇紫燕三  
木二島焚其民舍殆盡又焚南陽府雙阜縣  
遣萬戶元顯于西北面萬戶印璫前密直李  
權于西江屯兵以備之又命璫等入海捕倭  
權還白王曰臣非將又不食祿不敢奉命固  
辭不行○以金光載為三司右使光載白王  
曰文選吏曹主之武選兵曹主之揔于政房  
自權臣始非令典請復舊制王從之○冬十

月午午元以江陵大君祺為王遣斷事官完者不花封倉庫收國璽以歸王遜于江華史臣曰忠穆忠定皆以幼冲即位德寧禧妃以母之尊用事於內姦臣外戚用事於外二君雖有穎悟之資何能為哉且當忠定之時江陵太君親為叔父得國人之心又有上國之援諸尹不此之顧朋比逞欲釀成禍胎卒使王不幸遇鴆悲夫德興君塔思帖木兒奔于元忠宣王孽子嘗為僧者也○王命前判三司事李齊賢攝政

高麗忠宣王

丞權斷征東省事齊賢措置得宜人賴以安○十一月倭寇南海縣○贊成事趙日新賞批目還自元以李齊賢都會議政丞趙日新為參理李公遂為政堂文學○權省李齊賢下裴佺及朴守明于獄流直城君盧英瑞于可德島前贊成事尹時遇于角山貶贊成事鄭天起為濟州牧使知都食議韓大淳為機張監務○十二月祀忠惠王孽子釋器髮置萬德寺○庚子王及公主至自元帝遣失禿兒太子護行半寅謁景靈殿即位于康安殿

東國通鑑卷之四十五



東國通鑑卷之四十五

卷之四十五





